

Landesbibliothek Oldenburg

Digitalisierung von Drucken

Specimen Pharmacopoeae Militaris Franco-Gallicae

Handel, Georg Theodor Christoph

Argentorati, [1797]

VD18 11681020

Enumeratio Medicaminum simplicium et praeparatorum.

urn:nbn:de:gbv:45:1-11735

ENUMERATIO MEDICAMINUM
simplicium et praeparatorum.

Antimonium crudum,
(G. Antimoine crud,)

Factitium omne in usus vocatum, licet et naturale sit. Vitrum quod largitur, pallide flavescens, non hyacinthinum, ferro mixtum est, quale hodie ex Arvennia habetur, cl. Geoffroy „academ. de sciences 1751. “ Nunquam illud in substantia propinavi, cum:

Antimonium tartarisatum,
(G. Antimoine tartarisé,) vulgo:
Tartarus emeticus, (G. Tartre émetique,) et.

Vinum antimonii Huxhamii, (G. Vin d'Antimoine d'Huxham,) in omnibus, ubi antimonialia

indicata erant, conduxisse viderim casibus.

Prius diversis antimonii praeparatis confectum, optime in modum paratur sequentem:

Immitte:

Vitri antimonii pulverifati uncias quatuor; Pulveris crystallorum Tartari uncias octo;

Aquae pluvialis purae libras viginti in vas terreum, probe vitreatum, beneque mixta coquantur, per duodecim horas, bacillo ligneo saepius agitando; tunc liquor colatur, et, ad siccitatem evaporatus, servetur.

Nostratibus dosis granum unum ad tria per se; actuandorum aliorum causa, granum unum, semis adjiciuntur. Dosi magis refracta datum, commodum kermes mineralis sulphurisque aurati antimonii sistit surrogatum.

Posterius congrue fit, solvendo: Antimonii tartarisati grana duo in:

Vini albi boni uncia una.

Tuto solutio haec vel resolvendi vel movendi exhiberi potest scopo.

Dosis pro indicatione et aetatis variat ratione.

Aqua pluvialis (G. Eau de pluie.)

Hippocrates hanc tenuissimam, limpidissimam, levissimam et dulcissimam jam pronuntiavit, divissimusque Frid. Hoffmann eleganter vocat destillatam.

Distincte tamen haec aqua est consideranda. Quae enim tempore hyberno colligitur, est valde cruda; quae vere primo descendit, sordibus quoque non caret. Praefertur majalis, dein aestiva. Melior etiam est, quae absque tonitru venit. Bene vero asservatur, et destillatae loco inservire potest, si nudo excipiatur coelo ac pulvere carbonaceo Lowitz immisso, ita corrigatur, ut, impuritate penitus resorpta, limpida et ab illuvie depurgata omni, in lagaeis reponi possit vitreis.

Per admistionem elaeosacchari plantae cujusdam odoriferae cum illa ex tempore paratur aqua, compositae destillatae haud absimilis.

Arnica offic. (G. Betonie
des montagnes, Arnique,)

Foliorum infusum, ex pugillis eorum tribus cum aquae fontanae seu cerevisiae libra una factum, (cujus cochlearia duo omni sumantur bihorio, infusioni florum et decoctioni radice longe anteferendum est.

Calx viva offic. (G. de la
Chaux vive,)

Licet nomen genericum calx multis datum chemicis substantiis; hic loci pro producto calcinationis lapidum et terrarum calcarearum maxime sumitur; quanquam tamen ex partibus animalium, et vegetabilium, ut ossibus, cornu, conchyliis, plantis submarinis, lithophytis, calx paretur. Cum salibus alcalinis vel etiam cineribus mixta, dat:

Lixivium forte, (G. Lessive forte,)

quod ad saponis confectionem requiritur, et ex quo etiam:

Lapis causticus chirurgorum, vel cauterium potentiale (G. Pierre à Cautère, Cautère potentiel,) fit.

Rec. Calcis vivae uncias tres.

Sufficienti aqua extinctis addatur.

Salis alcali vegetabilis puri uncia una.

Mixtura moveatur spathula lignea, et, per chartam emporeticam filtrata, evaporetur in sartagine ferrea, bene mundata, donec omnis aqua abacta sit, et massa, instar olei, fluat; tunc illico effundatur supra laminam. Indurata et adhuc calida servetur in vitro bene obturato.

Usus illius externus constat; aqua bene dilutus in locum solutionis sufficere potest salis Tartari.

Cannabis offic. (G. Chanvre,)

Vis ejus fere narcotica, stupefaciens, Galeno, Kaempfero et aliis; Rajam cognita.

Semina emulsa, emulsionis amygdalinae loco, praecipue in gonorrhoea virulenta commendanda sunt. Uncia illorum una cum aquae fontanae unciis sex emulsionem dat pulchram.

Dosis in substantia scrupulus, drachma una.

Prae oleo amygdalino oleum illorum ut praescribatur, opto.

Cantharis offic. (G. Mouches cantharides,)

Omniū temporum medicis suspecta, jam Dioscoridi infamis fuit. Septicum veneneum, viis urinariis quam maxime infestum, plurimorum morte notatum, monumenta hodierna satis superque testantur. Omni insecti partibus caustica, urens et capiti et alis et pedibus et corpori.

Emplastra vesicatoria officinalia mihi non arident; melius enim rube faciens vesicansque effectus sese prodit, pulverem cantharidum fermento panis, etc. admiscendo, tali tamen proportione, ut in summa ad illius unciam cantharidum drachmam dimidiam, et minima grana quindecim recte ordineris.

Mixtum hoc l. tinctura cantharidum vices gerant linimenti volatilis.

Carbo vegetabilis, dephlogisticatus, (G. Charbon végétal dephlogistisé,)

In aqua aliisque liquoribus, faecum commixtione vitiatis corruptisque, Lo-
wizio teste, eximia fuit efficaciae.

Carduus tomentosus offic.
(G. Artichaut sauvage, grand
Chardon aux Anes,)

Succum herbae recentis adfec-
tum cancroideorum, inprimis vero
faciei, averruncum esse, experimentis
aliorum meisque extra omnem dubita-
tionis positum credo aleam. Dolendum
est, plantam hanc nondum pro digni-
tate sua in praxi cultam esse medica.

Cera citrina, (G. Cire jau-
ne,)

Per pannum laneum colata prae
alba, vilitatis pretii causa, praero-
gativam habet.

Per se ob nimiam tenacitatem in-
terne nunquam dedi, nec aliis adjunxi
medicamentis, si vitrum antimonii,
cujus inservit praeparationi, excipias;
applicatio ejus externa in cereolis cre-
berrima.

Creta alba, (G. Craye blan-
che,)

Lota pura, siccata, in mortario fer-
reo subtilissime pulverisetur, et lavetur

in aqua eousque, donec illi nullus sapor aut color communicetur.

Magnesiae sine omni haesitatione substituere possumus.

Dosis cochlear parvum aliquoties per diem.

Ope cretae, aquam marinam potabilem reddere, docuit in commentar. soc. Harlemens. P. 11. clar. Al-
lemand „ quatuor pintis aquae ma-
„ rinae cretae unciam addendo, „
obtinuit: „ pintas quatuor potabilis
„ aquae, melioris ea, quae calce
„ pararetur. “

Externe in ulceribus laxis, liquidis siccatur, stringit, absumpto humido, puncta contactuum augendo fibrarum.

Daucus off. (G. Carotte sauvage,)

Duae species sunt, sylvestris et hortensis. Prior ut medicamentum; posterior, ut alimentum non displicet. Prioris semina virtute eadem, qua semina foeniculi pollent, gaudent. Exhibentur in pulvere ad drachmam unam bis vel ter de die; infunduntur ad unciam unam, duas.

Enula offic. (G. Aunée, Enule Campanae,)

Cum calamo aromatico, angelica et camphora, quoad vires cardiacas, magnam habet convenientiam; immo priores antecellit. Neumannus e radice libris duabus drachmam et scrupulum semis materiae cujusdam elicit camphoratae, eamque spiritu quidem vini, neutiquam vero aqua solvi, affirmat.

Activitas radice hujus substantiae resinosa magis, quam gummosa est adscribenda et acedo quoque a principio volatili, (quod sub evaporatione maximam in auras dispergit partem,) simul derivanda.

Ut humorum massam corrigens, radix haec bardanae, saponariae, stipitibus dulcamarae etc. ut expectorans, betulae albae, senegae, gummati ammoniaco, asae foetidae, caet. propiores edidisse effectus, experimentis deprehendi propriis. Decoctum illius in sananda scabie herpetibusque devincendis quibusdam, unguenti enulati in con-

nubio, nuperrime adhuc magnas sibi vendicavit laudes.

Praestantius est infusum vinosum aut aquosum a drachma dimidia ad unciam semis datum. Dosis pulveris scrupulus, drachma una.

Foeniculum aquaticum offic. (G. Ciguë aquatique, Ciguë d'eau,)

Non infamia cicutis affine. Incredibilem pene efficaciam in vulneribus, quin profundioribus, contusionibus, vitiis lymphae, phagedaenis, phtisique pulmonali ulcerosa semina exseruisse, indubitata res est. Initio aegrotis meis pulveris illorum apice cultri quantum capere possunt, dans, cautus in dosi sum; temporis tamen progressu per viginti quatuor horas ad drachmas duas vel tres de die ascendo.

Gratiola offic. (G. Gratiolle, Herbe à pauvre Homme,)

Non solum alyum, sed etiam vomitum movet. Jalappae, Ipecacuanhaeque praepono, quoniam minoris emenda sit, ut indigenum.

Folia pro purgante in pulvere a granis quindecim ad triginta; in infuso. a drachma una ad duas exhibenda sunt; sed validum postulant corpus.

Est etiam purgans radix, quae pulverisata a scrupulo semis ad drachmam semis ingeri potest.

In sanatione ulcerum inveteratorum pedum, vegetabile illud saepe fuit auxilio, ita, ut specificum quibusdam visum sit.

Hirudo offic. (G. Sangsue offic.)

Depressa, nigricans, supra lineis flavis sex, intermediis nigro-arcuatis, subtus cinerea, nigro-maculata frequentis ad modum in medicina usus est; imprimis vero ad restituendum haemorrhoidum fluxum suppressum ano applicatur, et in morbis omnibus, quos ille solvit, prae aliis sanguinem mittendi methodis, prodest.

Loefflerianus illum applicandi modus, ut optimus, medicos non latet litteratos.

Hordeum offic. (G. de l'Orge.)

C

Praeparatione sol avarians, triplex. Quod tegmine suo cereali adhuc investitum, integrum; quod hoc ablato, nudum est, mundatum; quod, suspensa mola, in minora, margaritis similia, granula, contritum, perlatum audit.

Integrum plus deterget demulcetque, aliis modo nominatis. Veteribus usitatissimum erat ad parandam ptisanam, cujus usus in febribus omnibusque morbis acutis celebratur.

Decoctum hordei ex unciis duabus seminum in sufficiente quantitate aquae, ad dimidium colaturae consumpta, factum, in omnibus aegritudinibus, quae sine mucilaginoso tenuioribus curari non possunt, valde proficuum, lactique ipsi, respectu virium involventium, praeponendum est.

Hyoscyamus offic. (G. Jusquiame, Hanebanne, de l'Endormi, la Mort aux Poules.) Radicem, herbam, semina officinae habent, et veterum et recentiorum observationibus hebetudinem sensuum motuumque inducentia. Medicorum, sae-

culo propiorum nostro, exemplo ductus, emulsionem e scrupulo uno et ultra seminum, interne, felicissimo cum successu, in variis adfectibus, ubi opio opus erat, adhibui. Hoc ipso, in somno et quiete concilianda, aliquando potentio-rem fuisse, observavi.

Infusionem e drachma una seminum illorum, cum vini sufficiente quantitate intra viginti quatuor horarum spatium paratam, laudano praestantio-rem fuisse liquido, saepe saepius expertus sum.

Lactucae sativae et virosae herbae recentis succus expressus, et ad consistentiam extracti inspissatus, opium, papaverino simile, praebens, in casibus admittendus est analogis.

Limax rufus offic. (G. Limace rousse.)

Succo abundat mucoso. Viventes adhuc, ulceribus tumoribusque scrophulosis a duabus ad tres mane et vespere impositae, spem meam fere nunquam sefellerunt.

Liquiritia offic. (G. Re- glisse.)

Radix saccharum supplere potest; decocta amarescit. In filamenta divisa, vel rasa, unciae semis, unius dosi infunditur saepius; drachmarum duarum pondere aliis adjicitur. Dosis pulveris scrupulus; drachma periculosa non est. Erysipelati applicatus insigni solamini fuit.

Malva offic. (G. Mauve.)

Doloris mitigatiua, omnibona, epitheta medicam satis confirmant utilitatem, Plurimae hujus species sunt, quae promiscue ferme in officinis usurpentur. Habemus radicem, folia, flores, semina; sed herba, ratione virtutis emollientis, inviscantis, lubricantis, caet. aliis modo memoratis, immo althaeae, anteferenda est ipsi.

Dosis manipulus unus. Potest quoque instar potus Theae sumi. Datur ad libram aquae unam, manipulus semis.

Mentha spicata. (G. Menthe épiée).

Plures menthae species hinc inde insunt apothecis; omnes facile anteit

dicta, modesto praedicato ab aliis discriminata.

In pulvere ad drachmam semis praescribitur interne, in infuso, e drachmis duabus herbae cum aquae unciis sex facto, ad unciam semis, integram. Externe, discutiente et roborante sine, in aquosis defluxionibus; antiseptico, in contusionibus, chirurgis multum utile recentis plantae folium. Oleum essenziale praeparatur destillando: herbae libram unam cum aquae communis libris octo ex vesica, donec aqua inodora transire incipiat. Aqua obtenta cum nova herba, addendo aquae fontanae sufficientem quantitatem, toties cohobetur, donec olei desiderati quantitas fuerit elicita, quod, ab aqua separatum, servandum.

Nitrum offic. (G. Salpêtre ou Nitre.)

Nostrum a nitro vel natro veterum, quod erat sal alcalinum, distinctum, cognitum non fuit illis.

Depuratur tali modo, ut:

Nitri crudi libras tres;

Salis alcali vegetabilis depurati unciam unam solvamus in vase vitreo cum aqua communis libris sex. Solutio calida, per chartam bibulam filtrata, ponatur in loco frigido, ubi mox in pulcerrimas, longas et pyramidales abibit crystallos, quae collectae, et, super charta emporetica, in libero siccatae aëre, servantur.

Spiritus nitri acidus seu acidum nitri vulgare, (G. Esprit de nitre acide, ou acide de nitre vulgaire,) melius antivenericum mercurio producitur: nitri puri siccati; vitrioli albi ad albedinem calcinati partes aequales sumendo. Bene mixta indentur retortae Vitreae, et destillentur cum apparatu Woulfiano, cujus primum excipulum contineat aquam pluvialem depuram, ponderi nitri aequalem, donec vapores assurgere cessent.

Dosis: quantum aeger, sine molestiis faucium, sufferre potest.

Caput mortuum, igne aperto calcinatum, elixatum ac debita evaporatione in crystallos redactum, dat: arcanum duplicatum, (G Arcane doublé), cujus dosis drachma semis, una de die, optimum per epicrasin laxans.

Ova Gallinacea, (G. des Oeufs des Poules.)

In scopum nutrientem, quae adhibentur, debent esse sorbilia, id est, per coctionem non nihil inspissata; ita, ut in cortice suo videantur tremere; sunt enim sic multi nutrimenti, probae et facilis digestionis, convalescentibus, senibus, debilibus apprime convenientia; indurata in testa, aut etiam in pingui frixa, etsi robustioribus visceribus non noceant, debiliora tamen offendunt, mollissimo albumine in corium mutato; unde optime monuit Galenus, eo plus nutrire ova, quominus induruerint; hinc variis praeparationibus in jusculis diluta, in haec integre effracta, tremula sumuntur. Hoc tamen ova habent, ut facile putrescant; id eoque in febribus summa cum

cautela ordinanda sunt; licet tamen in his dederit Hippocrates, „libr 3 de morbis“; albumina enim aliquot, aqua fontana conquassata, pro potu humectante, refrigerante exhibuit.

Praeterea idiosyncrasia quibusdam contraria sunt, ut labia inde intumescant, et vesiculis hinc inde conspergantur, vel vomitu rejiciantur.

Ovi omnes partes satis raros eosque varios in medicina praestant usus. Albumen ovorum ad plures decoctiones depurandas adhibetur; vitellus olea et resinas aquae miscibilia reddit; tum, quae, fracta testa, albumen continet tenuis pellicula et suum in arte medendi invenit usum. In vulneribus, praecipue, recentibus, a quibus, ne corrumperentur, arcendus aër erat, hoc incommodi involvit, quod exsiccata et durior facta sit; sed tunc aqua tepida aut saliva aut halitu oris emollita fuit. Specifica autem nulla in hac vis; aërem a vulnere arcet; sic naturam juvat, et ob hanc rationem, de rara deligatione vulnerum tam pulchre scripsit Magati. Caeterum recens, humida, pe-

nis glandi applicata, effluere non potentem urinam evocat, experimento certissimo.

Pulmonaria arborea. (G° Pulmonaire de Chêne,).

In fagis et quercu habitans, valde thoracicus et lichene plus valens Islandico, gummati Arabico alias palmam facienti.

Ad illius decoctum drachmas duodecim cum aquae communis libra una sumas.

Vasculatim hauriatur.

Quercus officin. (G. Chêne,).

Corticis pulveri grosso ad fomenta, cataplasmata et injectiones adstringentes, alcoholicae illius interne dato, eadem virtus, ut cortici adscribi posse Peruviano, in aprico est. In decocto unciae duae cum aquae simplicis libris duabus ad quartae partis consumptionem coquendae. Datur vasculatim.

In infuso frigido: unctiae duae, cum aquae simplicis libris duabus per horas duodecim frigide extrahendae.

Sal alcalinum vegetabile fixum, (G. Sel alcali végétal fixe,).

E claviculis vitis, aut e destillatione faecum vini residuum, combustum et elixatum, aut e cineribus ligni extractum quercini, optimeque reverberatum.

Praeparatum officinarum:

Sal alcalinum vegetabile, purum, (G. Sel alcali végétal pure,).

Rec. Tartari crudi q. v.

Calcinetur ad albedinem usque massa; tunc solvatur in sufficiente quantitate aquae fervidae, et lixivium, per chartam emporeticam filtratum, in vase ferreo bene mundato, evaporetur ad perfectam siccitatem, massam sub fine agitando spathula ferrea, ne fundo vasis adhaerescat.

Sal commune, (G. Sel commun.)

Sal culinare nostrum, fontanum, gemmae et marinum ejusdem sunt indolis, qua propter etiam culinare tribus aliis submittere possumus. Eligendum purum, crystallinum, cubicam referens figuram.

Eadem, quae de salis ammoniaci externa applicatione praedicantur, adscribenda quoque sunt illi.

Salvia offic. (G. Sauge.)

Infuso, e drachmis duabus cum octo unciis aquae confecto, vasculatimque dato, sudores diarrhoeasque sic dictas colliquativas phtisicorum compescui negotio facillimo, et febres intermittentes, cinchonam ipsam respuentes, sanavi.

Sambucus offic. (G. Sureau).

Roob, e libris sex baccarum recentium cum sacchari libra una coctus, continueque agitando consistentiam suam nactus, cum crystallis Tartari junctus, egregium facit febrifugum.

Datur per se ab uncia dimidia ad duas.

(Sapo niger off.), (G. Savon noir,).

Est compositus e lixivio cum unguinoso animali, vel cum oleis aliis expressis. Vis pinguia cum aquosis uniens. Externe, lavandi caussa, oleorumque loco, clysmatibus adjungendus, convenit.

Tanacetum off. (G. Tanaisie,).

Flores et semina plantaginis latifoliae ejusque santonici, semina, respectu effectuum, in totum aequant, immo antecedunt; cum eorum adulteratio perrara sit, eique minoris constant illis. In pulvere dosis drachma semis ad duas.

Tartarus crudus off. (G. Tartre crud,).

Sal plantae acidus, essentialis, duplex vel albus vel rubellus, e vinis, acore perditis, maxima copia ad latera dolii deponitur. Eligitur album, ponderosum, solidum, pluribus apicibus, adamantis instar acuminatis, splendens.

Praeparata offic.

Tartarus depuratus, (G. Tartre depuré,). Cremor, Crystalli Tartari, (G Crème de Tartre, Crystaux de Tartre,).

Rec. Tartari albi selecti, per frequentem ablutionem a sordibus mundati, libram unam.

Pulverisatus coquatur in libris viginti aquae fontanae in vase figulino, vitreato, tecto, donec Tartarus solutus sit, ac cremor in superficie adpareat; fervens per pannum laneum in aliud vas terreum coletur, et ubi refrixerit, crystalli, qui, effussa aqua, colligantur, exsiccentur et asserventur.

Dandus a scrupulo semis ad unum.

Pinus abies, (G. Sapin,).

Conservanda. Terebinthina offic. (G. Terebenthine,).

Ex diversis effluens arboribus, diversa; sed aestimanda tamen communis tantum, ex qua oleum, male spiritus, destillatur.

Rec. Terebinthinae communis libras duas; aquae communis libras duodecim.

Vesicae, proportionatae magnitudinis, immissae, leni destillentur igne; oleum vero obtentum, ab aqua separatum, servetur.

Interne ad aliquot datur guttas.

Externe in chirurgia sese commendavit.

Balsamis non cedit.

Valeriana offic. (G. Valeriane,).

Antispasmodicum, quod nosco, facile primum, moscho ipso praestantius camphoraque. Radix evelli non debet, antequam caulem edat. Danda est a scrupulo uno ad drachmam dimidiam. Quidam non veriti sunt, drachmam integram vel supra ordinare in vehiculo aquoso, vinoso.

Vitis vinifera. (G. Vigne,).

Vinum album, rubrum, succus uvarum fermentatus, principem inter medicamenta nobilissima locum obtinet, si moderate bibatur. Etenim grato suo

stimulo in fibras partium nervosarum agens, earum contractionem auget; sanguinis circuitum promovet, omnesque corporis functiones instaurat. Tonicum in omnibus morbis ex atonia militibus maxime nocivis. In nosodochiis martialibus remedium, summae ut necessitudinis omnibus roborantibus valeatur.

Discrimen, quod statuunt inter album et rubrum ridicutum, eum chemia non ostendat differentiam inter partes illorum consitutivas. Pro cordiali in infirmis per cochlearia, in convalescentibus ryathum semisse, totum detur.

Spiritus vini simplex (G. Esprit de Vin simple). e faecibus vini per destillationem factus.

Praeparata officinalia. Spiritus vini rectificatus. (G. Esprit de vin rectifié).

Rec. Spiritus vini rectificatissimi; Aquae pluvialis epuratae partes aequales.

Spiritus vini rectificatissimus, (G. Esprit de vin le plus rectifié, Alcohol,).

Rec. Portionem salis culinaris candenter liquefactam, laminae superinfundas, inque mortario calefacto pulveri,

satam, retortae injicias tubulatae; addas dein pondus spiritus vini ordinarii, (cujus gravitas specifica 0, 821.) prope modum aequale retortae que excipulum adponas. Mixtura haec ad gradum ebullitionis protrahatur; liquidum tunc ascensum in retortam retrofundatur; denique calore ad siccitatem adparentem residua, usque leni destilletur alcohol, cujus gravitas specifica 0, 792. sit.

Vitriolum Martis offic.
(G. Vitriol. de Mars.)

Plures extant species pluraque praeparata; e modo dicto tamen omnia. Externe tutius, citius et fortius agit Saturninis, interne limatura ferrea potius.

Acidum vitrioli forte. (G. Acide de vitriol fort).

Obtinetur ex illo, phlegmate superfluo per calcinationem liberato.

Acidum vitrioli rectificatum, a spissitudine oleum appellatum. (G. Acide de Vitriol rectifié, concentré, Huile de Vitriol.)

Acidum vitrioli forte e retorta vitrea destillatur, donec ipse hic in retorta liquor clarus sit, vase vitreo bene munito servandus.

Causticum externum, minore dosi interne dandum, atque tum adhuc in aquosis suspectum.

Acidum vitrioli dulcificatum. (G. Acide de Vitriol dulcifié,).

Rec. Acidi vitrioli concentrati libram unam;

Spiritus vini rectificatissimi libras tres.

Acidum vitrioli instilletur spiritui vini, sub nomine:

Elixir vitrioli simplicis, (G. Elixir de Vitriol simple).

Elixirium acidum pro usu interno, (G. Elixir acide pour l'usage intérieur,).

Minus carum, minusque anceps compendiosius et non tam frequenter adulteratum est aceto, moles in acie versans, aqua carens

D

communi, mediante illo, urinam suam in potum sitim levantem transmutare potest.

Dosis a guttis decem ad quinde-
cim, et quadraginta e debita por-
tione aquae.

Si relinquatur haec mixtura per
horas aliquot in quiete, deinde destil-
lando abstrahantur circiter librae duae
cessendum videlicet, antequam spiritus
sulphuris volatilis prodire incipit;
tunc productum oritur, quod servatur
sub titulo :

Liquor mineralis (G. Li-
queur minérale.) Hic magis antece-
dente vires possidet nervinas.

Datur a guttis sex ad viginti et
ultra.

Acidum vitrioli tenue, (G.
Acide de Vitriol attenué.)

Spiritus Vitrioli (G. Es-
prit de Vitriol).

Rec. Acidi vitrioli concentrati
unciam unam;

Aquae pluvialis depuratae uncias
sex;

Misceantur, lente instillando acidum vitrioli in aquam.

Datur a guttis viginti ad sexaginta ex multa aqua.

Vitrum antimonii. (G. Vitre d'Antimoine,).

Rec. Antimonii pulverisati q. v. Calcinetur ligne leni in vase terreo, plane non vitreato, in pulverem cinereum, movendo perpetuo massam ope bacilli ferrei. Calx haec antimonii fundatur in crucibulo in vitrum et effundatur supra tabulam marmoream.

Hic pedem figo, sed magnum barba sua, etc. venerandum medicum mihi objectionem movere videor: unde tibi tanta experientia; unde tantus apparatus; quare tua nobis in arte jam senescentibus, scholas publicas frequentantibus palam, ut honor linguae etc. artique sit Hippocraticae, strenue aliorum thesibus opponentibus, tua inquam obtruder econaris: disce do-

cendus adhuc. Ejacavete caet ne cerebrum vestrum nimiam patiatur effervescentiam; omnis enim vehementior noxius esse solet motus. Iam per tredecim et ultra annos theoriae et praxi medicae chirurgi, caeque manum admovi in quo tempore sub praeceptoribus meis et propriis experimentis plurima videre licuit. Academicis collegiis, quantum per graviora fieri potuit, interfui, et ex ipso fonte et libro naturae meam hausi doctrinam, id est, ratiocinando et experiendo. Ratiocinatio mihi erat cum vivis et mortuis; experientia continua occurrebat; aliam atque aliam faciem corporum, tam circa aegros eorumque curam, quam circa furnos exhibens: unde sensim, non inutiliter tempus in disputationibus aliisque nugacioribus terendo, meorum possessor factus sum. Quae revera pauca esse non nego; attamen non aspernata ab omnibus.

Hisce ergo et similibus intentus studiis, rem aggressus sum medicam. Quam viam si quis culpet, meliorem ea nisi mihi et aliis monstret, invidum et

malevolum existere, necesse est: calumnias enim et exprobrationes post tergum contumeliosas factas, non solum mihi, sed et plurimis aliis, quibus praesentibus, ne hiscere ea quidem de re audebant, in medium proferre possem, si, vindicandi illorum flagitiosam invidiam, animo incitatus essem, Sed si alicubi illae contumeliae locum obtineant, saltem medicorum pectoribus altius inhaerent, quas evomunt, prima data, sive recta sive obliqua occasione, alterius famae proscindendi, sub specie suae sapientiae, affectato vultu et lingua, plebi aliisque imponentibus.

Sed quot capita, tot sententiae. Illis, quibus e meliore luto finxit praecordia Titan, hoc scriptulum, qualecunque sit, exponimus, ut illo utantur, tanquam munere voluntatis optimae. Quo si non abutantur, ad ultiores in iis experimentis faciendas inquisitiones me cogent, ut in publicam utilitatem majora et perfectiora proferam,

in rebus angustis inimicisque *) annuentibus.

*) Quoniam non est nobis collutatio adversus carnem et sanguinem, sed adversus principio, et potestates; adversus mundi rectores tenebrarum harum; contra spiritualia nequitiae in coelestibus.

Edit Vulgat. epist. ad Ephes. cap. VI

26

Sphalmata graviora typographica
(leviorum enim jam in praefatione ve-
niam petii,) sunt sequentia.

Pag.	14.	lin.	25.	lege	grato post verbum : sapore
—	15.	—	1.	—	Pudentius plerumque carat se curiusque sanat consultor, quam actor;
—	15.	—	2.	—	semper — sapienter;
—	—	—	8.	—	temperamenti post verbum medicamentis.
—	—	—	14.	—	circumspecta legamus circum- specta.
—	20.	—	22.	—	obnixa — obnixe.
—	26.	—	7.	—	signum parentheseos post verbum bihorio ponatur.
—	29.	—	4.	—	ut absorbens post verbum efficaciae.
—	30.	—	5.	—	cochlear.
—	34.	—	1.	—	sol lege sola.
—	—	—	10.	—	usitatissimum — usitatissi- mum.
—	44.	—	13.	—	flores et semina ejus plan- taginis latifoliae santonique.
—	47.	—	10.	—	ridicutum — ridiculum.
—	—	—	14.	—	ryathum — cyathum.
—	—	—	22.	—	elsuratae — depuratae.
—	—	—	—	—	aquiles — aequales.
—	48.	—	4.	—	retortae que — retortaeque.
—	—	—	9.	—	residua — residui.
—	49.	—	24.	—	moles — milesque.
—	51.	—	8.	—	ligne — igne.
—	54.	—	1.	—	in rebus — rebus.
—	—	—	2.	—	collutatio — colluctatio.
—	—	—	3.	—	principio — principes.
